

Тропарь преподобной Евфросинии, княжны и игумении Полоцкой, глас 4:

Подражающи дванадесятолетна дванадесятолетну Христу́,/ учившему во святилищи Божию слово́,/ последовала еси, Евфросиние./ Славу временную и земнаго обручника оставльши/ и вся мирская презревши,/ краснейшему паче всех Христу себе уневестила еси́,/ крест взявши, путем ангельскаго жития шествующи/ и многия к Нему наставляющи,/ во благоухании мира в Небесный Чертог востекла еси́,/ идеже моли, Егоже возлюбила еси́, // о чтущих благочестно память твою́.

Ин тропарь преподобной Евфросинии Полоцкой, глас 4:

Богатство свое нищим расточивши/ и славу княжескую ни во что же вменивши,/ обручника временнаго, красная дево, возгнушалася еси́/ и, уневестившись Жениху́ Христу́,/ Тому, якоже вено, чистоту душевную и телесную принесла еси, Евфросиние./ Ему́же ныне в веселии предсто́я, // поминай нас, чтущих память твою́.

Кондак преподобной Евфросинии Полоцкой, глас 8:

Избранней Богом от самага рождения/ и признанней на служение Ему́,/ в чине ангельстем Господеви послужившей свято,/ и преподобно пожившей,/ и ныне с Небесными силами Господа восхваляющей,/ о нас же, грешных, пред Господем ходатайствующей,/ с радостию и любовию воззовём:// радуйся, Евфросиние, невесто Христова всечестная.

Ин кондак преподобной Евфросинии Полоцкой, глас 8

Чистое свое девство и честное/ милостынею, яко светильник елеем, украсившую/ и с мудрыми девами в пресветлый чертог Христов вшедшую,/ Евфросинию славную ублажим/ и, припадше к честным ея мощем, насладимся ея благоухания/ и умильне к ней возопием:/ яко имея дерзновение ко Христу Богу/ моли избавитися зловония страстей и спастися душам нашим.

Ин кондак преподобной Евфросинии Полоцкой, глас 4

Превитавши от земли Полотския,/ отечество свое, яко Авраам, наследовавши, Евфросиние,/ землю высокою сообразну — Горний Сион,/ темже тело твое душевным благомужеством, страданием постным/ яко жертву приносила еси/ милосердием Своим, Давшему Себе за человеки Жертву благоприятну.